

LATGALIŠU GAZETA

Latgolys dzejis saimneica Anna Rancāne

Kū vaira volūdu,
tū lobuok! **LaKuGa.LV**

26.jūlis ir tradicejom boguota Annu i saimniču gūdyņuošonys diņa. Sovukuort Latgolys dzejis golvonuo saimneica ir Anna Rancāne, kas pavysam naseņ ir nūsviniejeuse ari sovys dzeivis guojuma opolu jubileju.

Jureits

Kotru godu Rēzeknis pusis Sakstagola "Kolnasātā" teik reikuotys Annys dīnys svineibys, i, kai atzeimēja muzeja vadeituoja Vaļentīna Bruzguļe, taišni itymā slovanajā Franča Trāsuna dzymtajā pusē pyrma picpadsmit godu tyka atjaunuota kuodreiz tik slovanuo Annu gūdyņuošona. I pasuokumā ari izreiz tyka saskaiteitys kluotyn asūšuos Annys vuorda eipašneicys – kūpā atsazyna septenis. Kotrai nu juom tyka dūts vuords pastuoseit drusku par sevi, bet kūpeigā vylņys dzejis komuleitī tyka iteits pa viņai skaisai dūmai, pa viņam nūvieliejumam, tai kūpeigi veidojūt septeņu Annu myužam lobuos i saimniciskuos enerģejis simbolu.

Iz vītys varēja dazynuot ticiejumus i vysaiduokys tradicejis, kas jau nu seņču laikim ar Annys dīnu saistejuos: juocap maize nu ituo goda rudzim, juoparauga jaunuo burkuonu i bulbu raža, juoslavej lobuokūs saimneicu čaklums...

Itymā godā pi tradiceju pisavinuoja ari ispieja apsveikt dzejneicu Annu Rancāni – kai vuorda diņā, tai ari naseņ sagaideitajā pusgodusymta jubilejā. Kai izaruoda, itej jau i picdasmytuo vosora – A.Rancānis vysmeiluoķais godalaiks. Drūši viņ ari deļ tam pasuokuma vadeituoja Ilga Šuplinska izavielēja tai nūsaceitī sadaleit dīnys kuorteibu treju vosorys mienešu – jūņa, jūļa i augusta – zeimē. Klūotasūšajim tyka atskaņuoitys vairuokys popularys dzismis, kuru tekstim jimti A.Rancānis vuordi, tyka demonstrāti foto i video materiali nu dažaidu godu irokstīm i intervejom, blokus ustobā beja sagotovuota ekspoziceja par A.Rancānis literārū i sabidriskū darbeibu, vēļ suocūt ar školys laikim, kod topa



pyrmos dzejēļu burtneicenis.

Pasuokuma laikā tyka paruođeits ari nalels fragmets nu kuodreiziejuos intervejis ar A.Rancānis muoti – ari vuordā Anna. Kai izaruoda jim saimē bejuse vasala Annu dinasteja, deļtam ka ari mamys muote i juos muote... daudzys Rancānu dzymtys si vitis bejušys itymā skaisajā vuordā nūkristeitys vairuoku paaudžu garumā. Interesanti, ka myusim labi zynomos dzejneicys daiļradi muote nūvertiejuse dīzgon kritiski i tūlaik isacejuse meitai iz prišku raksteit gaišuokys i pričeiguokys ailis.

Bet nav jau tik biedeigi, kotrs apsviecejys pagiva nūskaiteit pa kaidam sev teikamuokajam panteņam nu A.Rancānis kruojuma. Muoksliniks Osvalds Zvejsalniks, Rēzeknis nūvoda i pišsātys dūmes puorstuovi, A.Ran-

cānei eipaši meili i ar sovu "trokumu" slovani rogovkiši ar vysu folklorys ansambli, dažaidu plašsazinis leidzekļu puorstuovi, ari itkai najauši ekspedicejis daliniki – studenti i jūs pasniedzēji, kai ari, prūtama līta, poši muzeja saiminiki ar Sakstagola dzīduotujim i daudzēji citi gosti sveice dzejneicu ar duovonom, atzinieby rokstim, dzismem, bučom i pučem.

Vysys vosorys smaržys i saijutys viņā vīta nasalaseit, bet līlīju smuords beja gon pipiļdejs vysus Kolnasātys pakšus, i sveicieju garuos ryndys nūslāgumā vasals klieps ar duorza i plāvu pučem beja saguļs iz A.Rancānis goda.

Sveicieju pulkam pisavinuoja ari Latgališu Kulturyš Gazeta (interneta portals LaKuGa.LV) i par pīmini dzejneicai īduovynuoja krekleņu ar portala vizualuo nūformiejuma veidūlu,

pišaceidami aicynuojumū ari A.Rancānis dorbus iz prišku publicēt itymā iz pasaulā leluokajā latgališu volūdyš interneta olūtā.

Apsveikumu nūbeigumā visim kūpā tyka svineigi sadzīduota ari kotram latgališam labi zynomuo dzīsmē ar A.Rancānis tekstu: "Tik skaidra volūda, kai iudiņš olūtā..." Piec tuos visi sveicieji i Annys dīnu daliniki tyka aicynuoti paraudzeit vuoretys bulbys ar bīzpinu, svaigi suoletim ogūrcim, sovu siru, čaju i pa kaidai šmakovkys "īzeikai".

UZZIŅAI

Eisumā par Annu Rancāni...

Dzejneica nuokuse nu Miglinīku pogosta Lyuziniku sātys.

- Igvise augstuokū izgleiteibu ekonomikys i literaturys jūmuos.

- Struoduojuše par izdevniecibys "Liesma" redaktori. Bet nu 1989. leidz 2000.godam A.Rancāne dzeivuojuše i struoduojuše Daugovpilī – suokumā par literaruos dalis vadeituoju Daugavpilys teātri, piec tam par laikroksta "Latgales Laiks" golvonū redaktori.

- Tagad turpnoj dorba gaitys laikrokstā "Diena".

- Sarakstejuse septeņus dzejis kruojumus – jaunuokais ar nūsaukumu "Zīmes" izdūts 2006.godā.



Māra Justa foto

NŪTIKŠONU KALEŅDERS

● 01.08.2009. Latgolys Muzykys festivals 2009

(Leivuoni, Zaķu solā)
"Sound Systems" sadarbeibā ar Leivuonu pišsātys dūmi, Kulturyš centru, Latgolys Producentu grupu i "Taiseits Latgolā" pīduvoj ituos vosorys leluokū muzykys nūtykumu Latgolā. Lobuoki Latgolys muoksliniki apsavinoj i uzastuoj: "Bez PVN", "Dabasu Durovys", "L.P.I.V.", "Laimas Muzykanti", "Elpa" i citi.
Vairuok informacejis: LaKuGa.LV

● 01.08.2009. VIII Tautys muzykantu svātiki

(Viļānūs, Laksteigolu solā)
Tautys muzykantu svātiki pyrmū reizi tyka sareikuoti 2001.godā Modūnys rajona Barkavā. Svātiki jau ir klivuši par tradicionalim, kur kūpā muzicēt sabrauc tautys muzykanti – vacmeistari, folklorys kūpu, lauku kapellu i individuali muzykanti nu Latvejis, Lītovys i Igaunejis.

● 02.08.2009 – 06.08.2009 Seminars Latgolys školū jaunotnei ATZOLYS 2009

(Preiļi)
Ari itūgod nūtikš "Atzols" – seminars Latgolys jaunišim vacumā nu 15 da 19 godu. Atzols ir atvasis, jauni dzynumi; atzoliši (niū kūpā jau apmāram 120 cylvāku) ir Latgolys jauni ļauds, kas sasateik latgaliskā pasuokumā i vosorā vuucuos par Latgolu, dzīd i spielej, runoj i roksta latgaliski.

Vairuok informacejis: LaKuGa.LV

● Leidz 08.08.2009 Logo konkurss "Marijai Andžānei-100"

(Šķaune)
Rēzeknis Augstškola sadarbeibā ar Šķaunis biblioteku, kur ari atsarūn dzejneicys memorialuos ustobys ekspoziceja, izsludnoj logo konkursu "Marijai Andžānei – 100". Rodušom idejom apmeklej dzejneicys memorialū ustobu Šķaunē voi paskaiti autoris gruomotys! Vari ari pasekuot Sovvaļnika muzykys albumam.

Vairuok informacejis: LaKuGa.LV

"Latgališu Gazetu" atbolsta Latgolys regiona atteisteibys agentura i Kulturkapitāla fonds.

